

Naqqiut

Saqqummiussissut 21. februar 2024-meersoq taarserpaa (Takornariat pisinnaatitaaffii pillugit oqaaseqatigiit ilanngunneqarput)

Uunga siunnersuut: Najukkani aatsitassanut tunngasunik suliaqarnerit pillugit Inatsisartut inatsisaat

(Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

Uunga siunnersuut: Aatsitassat pillugit ingerlatallu tamatumunnga pingaarutillit pillugit inatsisartut inatsisaata (aatsitassanut ikummatissanullu inatsit) allanngortinneqarnissaa pillugu Inatsisartut inatsisaat

(Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

Saqqummiussissut

Siullermeerneqarnera

Naalakkersuisut sinnerlugit matumuuna siunnersuutit marluk Inatsisartunut suliarineqartussanngorlugit saqqummiunneqarput. Siunnersuut siulleq tassaavoq najukkani aatsitassanut tunngasunik suliaqarnerit pillugit Inatsisartut inatsisaannut nutaamut siunnersuut. Amerlanertigit annikitsumik aatsitassarsiornermut suliaasaqarfimmik taagorneqartumut taanna tunngassuteqarpoq. Siunnersuutip aappaa saqqummiunneqartoq tassaavoq, najukkani aatsitassanut tunngasunik suliaqarneq pillugu inatsisissatut siunnersuutip sunniutigisaanik pisariaqartumik, aatsitassanut ikummatissanullu inatsisip annikinnerusunik allanngortinneqarnissaanut siunnersuut.

Pingaarnertigit isigalugu inatsisit ataatsimoortut aatsitassanut ikummatissanullu suliaasaqarfimmi inatsisinik iluarsaassinermik ingerlasumik, 2023-mi upernaakkut ataatsimiinnermi aallartinneqartumik, nangitsinerupput.

Innuttaasut nunatta pisuussutaannik pianaanermi sulisartutut taamatullu namminersortutut peqataanissamat periarfissaqarluarnissaat Naalakkersuisut ilungersuutigaat. Najukkani aatsitassanut tunngasunik suliaqarnerit pillugit Inatsisartut inatsisaannut pingaarnertigit siunertaasunut tunngaviuvoq, najukkani innuttaasut iluaquserneqarnissaat, allaffissornerup annikillisinneqarnissaa aammalu najukkani aatsitassarsiornermut suliffeqarfiit amerliartulernissaat neriuutigineqarluni. Taamaattumik inatsisinut atuuttunut sanilliullugu annikitsumik aatsitassarsiornermut suliaasaqarfimmi annertuunik allanngortitsinissaq siunnersuummi siunnerfigineqarpoq.

Ataasiakkaanut tunngatillugu akuersissutinik piunasaqaatit arlallit peerneqarput. Sakkunik atuinissamut killilersuinerit peerneqarput, aammalu sumiiffinnut arlaqarnerusunut periarfissiisoqarluni kiisalu isertitassanut killiliineq atorunnaarsinneqarluni.

Inatsisip atuutilernerani aalajangersimasumik najugaqartut, tamatumunnga akuersissummik peqaratik, aatsitassanik tamaginnik, aatsitassat qinngornernik ulorianartunik akullit ilaatinngit, katersisinnaalissapput piiasinnaalissallutillu. Tamatuma kingunerisaanik najukkaneersut siunissami aatsitassanik tamaginnik, aatsitassat qinngornernik ulorianartunik akullit ilaatinngit, killilersugaanngitsumik katersisinnaalissapput. Tamanna aamma inuussutissarsiutigalugu aammalu inuttut atugassanut atuuppoq. Aamma sakkunik atuinissamut periarfissat pitsanngorsarneqarput, tassami aalajangersimasumik najugaqartut siunissami tamatumunnga akuersissummik imaluunniit akuersissuteqarfigineqarnissamik piunasaqaateqarfiunngitsumik, sakkunik motoorilinnik motooreqanngitsunillu tigummiannartakkanik atuisinnaalissapput. Annikitsumik aatsitassarsiorlutik suliaqartut, sumiiffimmut kismaassisussaataalersut, siunissami ingerlatseqatigiiffimmik pilersitsisinnaalissapput, tassani najukkaneersut suliaqartut ingerlatseqatigiiffiup annertunerpaartaanik piginnittuuppata, nunanit tamalaaneersunik aningaasalersueqateqarsinnaallutik. Tamanna aatsitassarsiornermik suliassanut najukkani inissisimatinnegartunut avataaneersunik aningaasaliisussarsiornerissamut periarfissaqarnerulersitsissaaq.

Naalackersuisut siunnersuutigaat, siunissami najukkaneersut suliaqartussat sumiiffinni, aatsitassanut tunngasunik suliaqarneq pillugu inatsit malillugu ingerlatseqatigiiffimmut aatsitassarsiorluni misissuinissamut akuersissummik tunniussivigineqareersimasuni, ingerlatassanik suliaqarnissaat ajornarunnaassasoq. Taamaattoq ingerlatseqatigiiffiup kismaassisussaataanerani ajoqusersuinnginnissaq eqqarsaatigalugu, najukkaneersut suliaqartussat aatsitassat ingerlatseqatigiiffimmut aatsitassarsiorluni misissuinissamut akuersissummi pineqartunut ilaanngitsut, kisiisa ukkatarisinnaavaat.

Taamaalilluni siunnersuut malillugu aalajangersimasumik najugaqartut aamma aatsitassarsiorfiutiqatigiiffiit sumiiffimmi ataatsimi aatsitassanut tunngasunik suliaqarnissaat ajornarunnaassaaq. Naalackersuisut isumaqarput ingerlatassanut marlunnut taakkununga inissaqartoq, aammalu ingerlatassat marluk taakku Naalackersuisut tapersorsorpaat. Siunnersuummi akuersissutit tunniunneqareersut sunnerneqassanngillat, kisianni taamaallaat akuersissutit nutaat sunnerneqassallutik. Nutaatut siunissami najukkaneersut suliaqartussat kisimik ujaqqanik pinneraasiassanik allanillu aatsitassanik immikkuullarissunik katersorneqartartunik piiaanissamut pisinnaatitaassapput.

Qulequttani allani taaneqarsinnaavoq, aamma nunap sannaanut takornariatitsisarnermut killissaliussat ammanerulersinneqarmata, tassami najukkaneersut ilitsersuisoqarluni aatsitassarsiorlunilik angalaarnernik ingerlatsilinnnginnerminni aatsitassanut oqartussanit akuersissuteqarfigineqarnissamik aammalu akuersissummik piniaqqaartussaajunnaarmata. Takornariat nammineerlutik aatsitassanik katersisinnaanerit avammullu annissuisinnaanerit suli ajornartussaavoq.

Ukiumut 100.000 koruuninik isertitaqarnissamut killiliineq atorunnaarsinneqarpoq, tamannalu aamma aatsitassanut ikummatissanullu inatsimmi allanngortitsinissamut

pisariaqartitsinermeersuuvoq. Tamanna inatsisit ataatsimoortitat inatsisinik marlunnik imaqarnerannut pissutaavoq.

Naggataatigut inatsisissatut siunnersuutit marluk taakku nassuiaatillu takkununga atasut innersuussutigissavakka.

Taamatut oqaaseqarlunga Naalakkersuisut sinnerlugit siunnersuutit Inatsisartunut suliassanngortippakka.